

”یسوع دے نال جڑے رہنا“ دا کہیہ معنی اے؟

ریورنڈ ڈی۔ ایل۔ کرپ پی ایچ ڈی

اسی پینتی کوست توں بعد دے سمے وچہ رہ رہے آں تے رسولان نے سانوں اے صلاح دتی اے پئی یسوع دے نال جڑے رہو۔ اسی ایہ جاندے ہاں پئی اہیدا مطلب کہیہ اے۔ پر فیر میں چاہنا واں کہ ایہناں خاص خیالاں نوں تھوڑا ودھا کے بیان کران۔

- 1- ساہنوں ایہیہ بھروسا اے پئی یسوع جیوندا اے۔ تے خُدا دے سجے ہتھ بیٹھا اے۔ تے ساڈھی شفاعت کر دا اے۔ تے اوہ دلوں ایس گل دی خواہش رکھدا اے کہ مسیحی ہون دے ناطے اسی کہیہ کرنے آں۔
- 2- ساہنوں ہر ویلے یسوع مسیح نال ، یسوع مسیح دے ذریعے خُدا نال ، تے پاک روح دے ذریعے خُدا باپ تے یسوع مسیح دے نال گل بات کردے رہنا چاہیدا اے۔ ایہدا مطلب صرف روزدعا کرنا نہیں (سویر دے ویلے دعا واسطے سمے کڈھنا) بلکہ ساہنوں یسوع نے دسیا پئی ہر ویلے دعا کردے رہو دعا (Prayer) اک پرانا انگریزی دا لفظ اے۔ جہیدے بارے وچہ مینوں کوئی پریشانی نہیں۔ میں نہیں چاہندا کہ ایہدے بارے کوئی بحث کیتی جاوے۔ یا کوئی ایہدے ورگا کوئی دوجا لفظ مثلاً سوچ وچار (meditation) ورتیا جاوے۔ لفظ دعا کوئی جادوئی لفظ نہیں ایہدے وچ فطرت توں ہٹ کے کوئی زور نہیں۔ ایہہ یاراں ونگوں خُدا نال گل بات کرنا این۔ جہڑیاں چیزاں دا جواب اسی لہنے آں۔ اوہناں بارے خُدا کولوں پُچھنا۔ تے یار ، گھرانہ ، ماں تے دھی ، پیو تے دھی ، ماں تے پُتر ، پیو تے پُتر و انگوں اوہدے نال ودھیا ، گوڑے تے ڈونگرے رشتے بنونا۔ خدا دے نال سچیاں تے بھروسہ دے نال فائدہ مند تے گرما گرم ناتا رکھنا اے۔ دعا اک انجدا معاملہ یا حالت اے۔ جہیڑی کئی وریاں توں خُدا نوں منن والیاں نوں الجھاوندی اے۔ ایہدا مطلب ایہہ نہیں کہ بڑی چھولی چھولی دا کرنا۔ یا ایمان والی کوشش نال چانن پونا این۔ ایہناں ساریاں چیزاں دے ہوندیاں ہویاں مینوں ایہہ کہن دی لوڑ محسوس ہوندی اے۔ کہ دعا وچہ کھوکھلا پن نہیں ہونا چاہیدا۔ میں اپنی خدمت وچہ کئی واری کہنا واں کہ جس طراں اسی اپنے پیو نال یا یاراں نال گل بات کرنے آں۔ اگر انج سی اسان خدا نال گل بات کیتی۔ تے فیر اسی کدی وی کجھ وی پا نہیں سکدے۔

- 3- خُدا دے کلام دے ذریعے یسوع نال جڑے رہو۔ اگر تُسی ایمانداری تے پرہیز گاری نال دعا کردے تے بائبل پڑھدے او۔ تے تُسی اوہدی بادشاہی وچہ دینداری تے فائدہ مندی وچہ ودھدے جاؤ گے۔ اگر تُسی دعا کرنا چھڈ

دیو گئے۔ تے بائبل پڑھنا بند کر دیو گئے۔ تے تہاڈی بڑھوتری رگ جائے گی۔ اک مسیحی دی زندگی انج دے تارو وانگر اے۔ جیہڑا پانی دے اٹھے بہاؤ ول بڑا تیز تردا اے۔ ایہدے وچ کوئی طرفداری نہیں۔ پئی اگر تسی تیزی نال آگر دھنا چھڈ دیو گئے تے تسی بڑی تیزی نال پیچھے جان لگ پو گئے۔

4. اپنی حیاتی وچ یسوع دی موجودگی دا ویروا کرنا۔ اپنیاں عاداتاں تے بولن چالن وچہ عقلمندی دا مظاہرہ کرو۔ کیوں جو اصل وچہ یسوع تہاڈے نال اے۔ تے اوہ حیاتی دے راہ وچہ تہاڈے نال تردا اے۔ میں بدیانتی کراں گا اگر میں ایہہ نہ مناں۔ پئی میں پچھلے 45 وریاں وچہ خُدا دے نال چنگا ویلا وی کڈیا اے تے بھیڑا ویلا وی کڈیا اے۔ میرا چنگا ویلا اوہ اے پئی جدوں میں ایہہ جاندا ہویا ایویں دا بولیا وی نہیں تے ایویں داکم وی نہیں کیتا جیہدے پاروں مینوں چھڑون والا دکھی تے ناخوش ہووے۔ یسوع نال جڑے رہنا یقینی طور ایہدے آسے پاسے ای گھمدا اے۔

5. اپنی حیاتی دے منصوبیاں وچہ، ترکیباں وچہ، پیش نامیاں وچہ تے مقصداں وچہ یسوع نال جڑے رہو۔ اگر تسی یسوع نال جڑے رہو گئے تے کلیسیاء داکم تہاڈا اپنا کم بن جائے گا۔ یسوع نال جڑے رہو گئے تے دوجیاں مسیحاں دے نال رل کے پرستش تے خُدا داکلام دوجیاں نال ونڈن دا حصہ بن جاؤ گئے۔

6. یسوع مسیح نال جڑے رہن دا اک خاص خیال عبرانیوں 6:11 وچہ دتا گیا اے۔ ساہنوں یقین اے پئی خُدا نظریں آوندا اے۔ تے او اوہناں نوں بدلہ دیندا اے جیہڑے جان مار کے اوہنوں ہر ویلے لبھدے رہندے نیں۔ اے بڑا سوکھا اے تے نیڑے نیڑے بے معنی وی لگدا اے۔ لیکن ایس توں پہلوں کہ ویلا لنگ جاوے۔ آؤ اپنے آپ کولوں کجھ گلاں پچھ نے آن۔ کیہہ تسی پچھلے ورے کسے نال بدیانتی کیتی اے؟ کیہہ تسی کجھ ایس طراں دا کیہا اے جیہڑا تہاڈے خیال وچ نہیں سی کہنا چائی دا سی؟ کیہہ تسی اپنے فیدے واسطے کسے نال جھوٹ بولیا اے؟ کیہہ تسی کلام پڑھن تے دعا کرن چہ سستی وکھائی سے؟ اگر ایس طراں کیتا اے تے فیر تسی ایس گل تے یقین رکھدے او پئی خُدا نہیں اے۔ کس طراں تسی، میں یا کوئی وی انج دے کم کر سکدا اے۔ اگر تسی سمجھدے او کہ خُدا دی اکھ دے تھلے ننگے نیں تے نظریں آوندے نیں۔ اگر خُدا دی نظر تے موجودگی وچہ اسی سب کجھ کرنے آن۔ تے ایہہ توہین اے۔ خُدا نیں ایہہ دسیا اے۔ کہ سب کجھ ساڈی حیاتی چوں دور ہونا چائی دا اے۔ ایہہ خُدا دی حقیقت بارے جاننا تے بھروسہ رکھنا اے۔ کہ اسی جائز چیزاں بارے کہنے آن تے ساہنوں اوہ مل وی جاندیاں نیں۔ تے اے خداوند یسوع مسیح نال جڑے رہن دا اک ضروری حصہ اے۔